

(Dicitur etiam Μετάθεσις Transpositio contrariorum. Sic in priori exemplo sunt contraria duo. 1. Non vivas ut edas. 2. Edas ut vivas, hæc si transponuntur ut subjectum prioris fiat predicatum posterioris: & ex predicato prioris fiat subjectum posterioris. Cic. 1. offic. Possessor domui non domus possessori dignitatem affert. Divina mysteria non credere experiundo, sed experiri credendo oportet. Fit in dominatu servitus, & in servitute dominatus, Cic. pro Dejot.)

3. INVERSIO Ἀντιστροφῆ

est, cùm ostendimus pro nobis facere argumentum, quod contra nos detorquetur. Sic Christus Matth. 15. 26. 27. cùm dixisset ad mulierem Syrophœnissam: Non est honestum sumere panem filiorum & obicere catellis: Illa invertit: Imò, etiam canes comedunt de micis cadentibus à mensis dominorum suorum.

(Huc pertinet distichon, quod Veneti, citante Dressero, in bello cum Maximiliano 1. de Mattheo Lango Episcopo Gurcensi misso ad faciendam pacem, sparserunt:

Venerat ut Venetos Gurcensis perderet auro;

Sed victus Dominum perdidit ille suum.

Quod Episcopus hunc in modum convertit:

Venerat ut Venetos Gurcensis perderet auro;

Non victus, Venetos perdidit & Julium (Papam.)

Nota. Habet hæc figura locum magis in Colloquiis quàm in orationibus.)

4. COMMUNICATIO Συνοικείωσις
est, cùm idem contrariis tribuitur, ut, Avaro tam deest quod habet, quàm quod non habet. Hieronym. Qui non defendit, nec

K 3

obsi-